



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De his, quae beatam virginem Mariam mysticè designant, & de beneficijs humano generi per eam collatis, cap. primum.

urn:nbn:de:hbz:466:1-13177

DE SANCTA MARIA LIBRI SEPTIMI

CAPVT PRIMVM.

*Figura
de S. Ma-
ria Virgi-
ne.
Apoc. 12*



CAESARIVS.

*Num. 17
Exod. 3.
Iudic. 6.
3. Reg. 10
Cant. 4.*

IOANNES in Apocal. vidit mulierem amictam sole, & lunam sub pedibus eius, & coronam duodecim stellarum in capite eius, atque in vtero habentem, quæ clamabat parturiens, & cruciabatur vt páreret, & cætera. Mulier hæc per Ioannem visa, virgo est sancta Maria, sole lucidior, fulgore caritatis; luna superior, id est mundo, ex contemptu gloriæ secularis; omnium virtutum stellis tanquam diademate gemmato coronata, & quod illis dignius est, diuino partu fœcundata. Hanc designant per exemplū mons, castellum, aula, tēplum, thalamus, & ciuitas, palma, cedrus, vitis, rosa, & cum istis numerosa nominum nobilitas. Miror in huius gloriosæ virginis designatione virgam floridam, & rubum inter flammam vrentem, vellus madidum Gedeonis, thronum eburneum ac deauratum Salomonis, fontem signatum, horum conclusum, & alia quàm plurima, quæ breuitatis studio sunt omittēda. Sicut etiam in creaturis vniuersis matre creatoris nil est sanctius, nil dignius, nil præcellentius; ita eius visione nulla sanctorum visio dignior, nulla iocundior, nulla eminentior. Cuius preces, vt quidam ait, vitia, cuius nomē tristia, cuius odor lilia, & cuius vincunt labia fauum in dulcedine. Super nucem sapida, & super niuem candida, super rosam rosida, super lunam lucida, veri solis lumine. APOLLONIVS: Beati verò & ter beati, qui tantæ Virginis visione digni habiti fuerint lætificari, & sermone iocundari, oratione consolari, benedictione confirmari. CAESARIVS: Hoc plenius nosces per exempla. Audisti iam ex parte

ex parte figuras & ænigmata; vis nunc scire qualia & quanta mundus per ipsam consequatur beneficia?

APOLLONIVS: Nihil plus sitio. CAESARIVS: Ipsa est orbis conseruatric, & tribulatoꝝ consolatrix, fida sibi famulantium defenſatrix: per ipsam peccatoꝝ illuminantur, desperati ad confessionem reparantur, apostata à Deo per ipsam Deo mirabiliter reconciliantur, iusti reuelationibus consolantur. Nomen eius, & memoriale eius, morbos sanat, dæmones fugat, vincula soluit, timores pellit, tentationes compescit. Per ipsam pusillanimes confortantur, torpentes excitantur, eiectione misericorditer reuocantur. Diligentes se diligit, imò diligendo prouenit & honorat, & contemnentibus se, quia iusta est, punit & humiliat. Apud ipsam electuaria sunt confortatiua, unguenta sanatiua. Nomen eius super mel dulce, & hæreditas eius super mel & fauum. Morientibus assistit, & mortuorum animas ad vitam perducit æternam. APOLLONIVS: Licet omnia hæc credam de illa, vellem tamen mihi eadem exemplis elucidari. CAESARIVS: Quæ à viris audiui religiosi tibi referant, ipsius vt spero oratione adiutus. Quod verò mundus eius meritis precibusque conseruetur, binis tibi pandam exemplis.

CAPVT II.

ANte hos annos, quando validi illi fuere venti atque tonitrua, quorum mentionem feci in distinctione quarta capite 21. cum in quadam Ecclesia prouinciæ nostræ populus staret, & diuina sacerdos celebraret, imago Dei genitricis tam vehementer sudare cœpit, vt astantes notarent & mirarentur, atque ipsæ sudorum guttæ peplis matronarum extingerentur. Nutu Dei obsessus eadem hora adfuit, requisitus de causa, hoc respondit: Quid statis admirantes? Filius Mariæ manum extenderat ad ferendum, quam si non ipsa tenuisset, mundus iam minimè subsisteret. Ecce hæc est causa sudoris. Et territi sunt omnes audientes verba tam stupenda. Hæc mihi relata sunt à quodam Abbate religioso ordinis nostri, tunc temporis recenter gesta.

CAPVS

*Beneficia
qua per
B. Virgi-
nem tri-
buuntur
mundo.*

Ecclesi. 27.

*Mundum
conseruat
sua inter-
cessione.*